

# ՌԵՍՊՈՅԻՆԵՆ

ՀԱՅԿԻ ԳՐԱԳՐԱԿԱՆ  
ԿԵՆՏՐՈՆ



11-12



# ს ა კ ტ რ ე მ ბ რ ე ლ ი

სოციალ-დემოკრატიული საბავშვო ჟურნალი, № 11—12

სოციალ-დემოკრატიული

1933

წელი

საქართველოს ბ. კ. თ. ცენტრალური ბიუროსა  
და განათლების სახ. კომისიარიატის ჟურნალი  
მცირეწლოვან ბავშვთათვის.

## შ ი ნ ა ა რ ს ი

1. წამთრის პირი,—ლეჟი გ. კაკაბიძისა . . . . .	1
2. ტყის თხილი,—იანისა . . . . .	2
3. რეზოს პიონერად გადაარცხვა,—ლეჟი გრ. ესებუასი . . . . .	6
4. მშვიდი დათვი,—ბ. ჩხეიძისა . . . . .	7
5. საოცარი ფაფრენა,—შ. თაბ-ლისა . . . . .	12
6. დარიკოს თხოვნა,—ლეჟი გიორგი კალანდაძისა . . . . .	15
7. სტუმრები,—ცქვიტისა . . . . .	16
8. შალვას რვეული,—ლეჟი ლავ. კიკინაძისა . . . . .	21
9. ხ. ბუდიონი,—ა. ს. . . . .	22
10. თედოს ნაამზობა,—ლ. გეგეჭკორისა . . . . .	24
11. გველის დღე,—გადმოკეთებული შ. თ-ლის შიერ . . . . .	27
12. გახართობი,—შედგენილი ნ. ნაკაშიძის შიერ . . . . .	30
13. კურდღელი და გომფეშო,—ივან-არაკი გ. ლომთათიძისა . . . . .	32



სად არიან, სად გაფრინდნენ  
ფრინველები, რომ არ ჩანან!  
წვიმს. აცივდა.

ატალახდა  
შუკები და სოფლის შარა.  
და ეზოში დიდი მუხა  
საცოდავად დგას და ტირის.  
დიდმა ნაძვამაც მოიწყინა:  
არის უკვე ზამთრის პირი.  
წვიმს... თავები მოხუცივით  
დაგვანახეს თეთრად მთებმა.  
როგორც ვატყობ,  
ჩვენს ოდაში

მალე ცეცხლი დაინთება.  
მაშინ, ბიჭო, ბების გვერდით  
შემოვუსხდეთ ძმები ბუხარს,  
ვწეროთ, ვხატოთ, თან ერთმანეთს  
ზღაპრები და ლექსი ვუთხარათ.  
დროს და მოკლას არ დაგვაკლებს  
ღამეების გრძელი რიგი.  
ჩვენც ვიმარჯვოთ:  
ვწეროთ, ვხატოთ,





წავიკითხოთ ბევრი წიგნი.  
 მამამ დროზე მოიშხადა  
 შერჩეული რცხილის შეშა,  
 ვანთოთ ცეცხლი,  
 თუ ყინვები  
 სურდოსავით არ მოგვეშვა.  
 წვიმს. აცივდა... დიდი ბუზა  
 საცოდავად დვას და ტირის.  
 დიდმა ნაძვმაც მოიწყინა:  
 არის უკვე ზამთრის პირო.

გიორგი კაკაბიძე

# სყიდ თხილი



იმ საღამოს ჩვენს სოფელს პირველი თოვლი დაეცა.

ამ დროს საოცარი გარინდება იცოდა ჩვენმა სოფელმა. მოსახლეობა ბინებში იკეტებოდა, ვარეთ სამუშაო აღარაფერი იყო. მოტეხილი სიმიინდი სასიმიინდეში ეყარა, ჩალა უკვე ზეინებად იღვა. ზამთრისათვის შეშა ჯოჯოში ეწყო. საზამთრო სამხადისი დამთავრებული ჰქონდათ მეზობლებს, ვისაც როგორ შეეძლო. სხვენზე თხილი, უნაბი, მსხალი და ვაშლი ინახებოდა, და ჩვენოდენა ბავშვებისათვის ეს იყო ყველაფერი.

შებინდებისას დედა შუაღმოსავლურ პატარა მკადებს შეაფიცებდა, დატებდა, ლობიოს მოურევდა, გვაყავსშებდა, ლოგინებში ჩაგვათბუნებდა და შემდეგ მეზობლის ქალებში გადავიდოდა სამასლაათოდ და დროის მოსაკლავად. ხან კიდევ ჩვენსას იყრიდნენ თვის მეზობლის ქალები სასაუბროდ, მაგრამ ჩვენ მათი ბაასის მხოლოდ შესავალი გვესმოდა, მერმე ღრმა და ბავშვობის უშფოთველი ძილი გვაშორებდა მათგან.

ბაასის დროს მასპინძელი სხვენიდან ხილს ჩამოიტანდა სტუმრების მისართმევად. იმ წუთებში ჩვენ, რა თქმა უნდა, არცერთს არ გვეძინა და რომ ჩვენს სიფხიზლეში ეკვი არაივის შეჰპაროდა, ზოგი ჩუმ დილინს მოვეყვებოდით ლოგინში, ზოგი ცხვირში ნაძალადევად ქსუტუნებდა და ზოგნიც ერთ ლოგინში თაფფესშეკტულნი უმიზეზოდ კინკლაობდნენ (ბევრი ვიყავით ბავშვები).



— ჰა, ვიცი, ვიცი, რომ არა გძინავთ; არც დამეწყებინხართ. უნაბი, შენც თბილი, შენ კიდევ პანტა, ისედაც პანტასა ჰგავხარ, — მღვინებოდა ნდებოდა უზომოდ მოყვარული დედა, და ლოგინებში განდებოდა ფაცაფუცი. რამდენიმე ქალი ღროვებით გაიცილებდა, და მერე გრძელდებოდა ჩვეულებრივი, ჩვენთვის მიუწვდომელი მასლაათი.

მეორე საღამოს რომელიმე მეზობლისას იყრიდნენ თავს, და ასე გრძელდებოდა მთელი ზამთარი.

იმ საღამოს, ჩვენს სოფელს რომ პირველი თოვლი დაეცა, დედას არ მოეწევი, არ დაეძინე, კაბის კალთას ჩაეჭიდებდა და, მიუხედავად მისი დიდი ზნის უარისა, მეზობლისას გავეყვი, სადაც თავი მოეყარათ ჩვენი სოფლის დედაკაცებს.

— აბა, რა ბავშვების საქმეა, ახლა ლოგინში უნდა გეძინოს, დილით ადრე ასადგომი ხარ, სკოლაში ხომ არ დაიგვიანებ.

მე კი სული და გული მეზობლისას მქონდა: სხვენზე დიდძალი ხილი ეყარა და ამალამ სტუმრებს აბა გაუმასპინძლებლად როგორ გაუშვებს მეთქი.

რაკი არ დავიშალე, დედამაც თან წამიყვანა.

ძუნწი რომ იყო მეზობელი ფოსინე. ზაფხულში ხილს ხეებზე შეაღობდა და ბავშვებს ზედაც არ შეგვახედებდა, ქარისაგან დაცეწილ ნაყოფსაც კი ოდის დერეფანში დაყრიდა, ვითომ გასახმობად, მაგრამ იმერული ხილი დაეყრილი აბა როგორ გახმება და შეინახება, როცა ხეზევე ფრთხილად შეკრეფილი მხოლოდ რამდენიმე კვირას თუ გაძლებს.

საზამთროდ შენახულ ხილსაც თავგები გამოუხრავდნენ ხოლმე სხვენზე, და ვერ წარმოიდგენთ ჩემს სიხარულს, როცა იგი შეწუხებული მეზობლებში ჩიოდა.

— გამანადგურეს ამ გასაწყვეტლებმა, გამანადგურეს, ვერარა კატამ ვერ მოსპო ჩემს ოჯახში ეს უბედურება, თავისი შაქარი ხომ არ გექნებათ?

— არ მაქვს-თქო, უთხარი არ მაქვს-თქო, — ეწეწეწელებოდი დედას, ან მე თვითონ დავასწრებდი და პასუხს მოეუჭირიდი:

— დედას ეშინია ბავშვებმა არ შევქამოთ, რომ თავგებივით არ დავიხოცოთ და არ გვაქვს...

„თავგებს კი არა, ტურებსაც შეუქამია ის შენი ხილეული“, — ეფიქრობდი გულში მზიარულად.

მაინც იმ საღამოს რაღაც იმედი მქონდა: პირველი საღამოა და ახლა მაინც მოართმევს ფოსინე სტუმრებს რაქეს მეთქი.

შუაღმოსაბლო და უღარდელად გუზგუზებდა. დიდი რცხილის კუნძი მხართემოზე აღხეინად ეგღო და იწოდა, ტკაცატკუცი იფერფლებოდა მუგუზლები და საკვამლოურში სეგტივით იყო გაყრილი შუაღმოსაბლოს კვამლი.

ქალებს ცეცხლთან ახლო ჯდომით წვივები ასწითლებოდათ და ზედ არ დიგარდმო ჯვარედინი ზოლები წითლად დაეხაზა ცეცხლის მზურვალეებას.

დედას შემატება ესიაშინათ, ჩემი კი არ ვიცი რამდენად. ჩვენს მისვლამდის გამართულ საუბარში ჩქარა ჩაერია დედაც, როგორც არაერთხელ გამო-



ცდილი, და გაჩაღდა მასლაათი. მე ამათი არაფერი მესმის, თვალი ფოსინესკენ მიჭირავს: ერთი, როდის აღგეს, ხილი მოიტანოს.

საუბარი კი გრძელდებოდა და გრძელდებოდა დაუსრულებლივ. საცაძილიც მომეკიდება, თუმცა თავს ვეცაკურად ვეკავებ. მაგრამ ვაი, რომ დედამ თვალეზე შემატყოს, მაშინვე წამოდგება, ქალებთან ბოდისს მოიხდის:

— უკაცრავად, ბავშვს წაეიყვან, დეაძინებ და ახლავე გეახლებითო. მერე ამტკიცე, რომ არ შეძინება, ყველანი შენს წინააღმდეგ გაილაშქრებენ. არა და ეს ფოსინეც აღარ ფიქრობს წამოდგომას: ზის, მანვენებელი თითი ბაგეზე მიუყრდნია და უშნოდ, უღაზათოდ და უგემურად აგრძელებს რაღაც უყარათო ამბავს.

აგერ-აგერ თვალეები უარს მეტყვიან დამორჩილებაზე და დამეხუტებიან. როგორც იქნა, ფოსინემ წუთით დაგეტოვა და საკუქნაოსკენ გაეშურა. დაეწყნარდი.

კოტა ხნის შემდეგ შემოიტანა ჯამი და ცეცხლის პირს დაუვა.

— მიირთვით, კოტა მაგარია, მარა რა გაეწყობა, ზამთრის ხილია. ჯამზე ტყის თხილი ეყარა.

ჩემთვის თვითონვე ამოიღო ჯამიდან ხუთიოდე და ხელში ჩამიყარა. მე ერთი მათგანი დაუყოვნებლივ კბილებში მოვიგდე და მოვიკრიფე ძალღონე.

ზღვის კენჭებით მაგარი თხილი ჩემს პატარა, მცირეძალიან კბილებს ადვილად გადაურჩა, და უკანვე გამოვაბრუნე.

დედას შევხედე დახმარების იმედით.

საბრალო დედაც მარჯვენა ხელისგულით ქვედა ყბას გაბედულად აწეობოდა და იბრძოდა ამ პატარა ნაყოფის მკერივი ნაჭუჭის დასაღწიად, მაგრამ ამოდ: ტყის თხილი უცნაურად მაგარ ციხე-სიმაგრეში ზის, რომლის აღება არც თუ ისე ადვილია.



ჩვენს ბედში იყვნენ სხვებიც. ვერც ისინი აღმოჩნდნენ ძლიერი ქალების კბილებით შეიარაღებულნი, მათაც ჩვეულებრივი ადამიანის კბილები და არა სხვაგვარი.

მალე ჯამი ისევ შეივსა უკანვე დაბრუნებული თხილით.

ქალებმა საუბარი გააგრძელეს უხერხული მდგომარეობიდან გამოსვლისათვის, ყბების ტკივილი ვითომცდა არ შეიმჩნიეს, ცეცხლს შეუკეთეს და შესწორდნენ. მასპინძელიც, ვითომც აქ არაფერიყო, საუბარს სიამოვნებით შეუერთდა.

მე კი ბრაზი ყელში მებჯინებოდა, ვინთებოდი, მერე ძილი მოვიგონე, დედაც, თითქო ამას უცდიდაო, წამოდგა. ხელი ჩამჭიდა, დიდი შალის ნაწილი მომახვია და ქლებთან ბოდიში მოიხადა:

— უკაცრავად, ბავშვს ძილი მოეკიდა, შინ უნდა წავიყვანო, — დაბრუნების შესახებ კი სიტყვაც არ დაუძრავს.

მეორე საღამოს, როცა ქალებმა ჩვენსას იწყეს თავმოყრა, მე ქალაქის ნაგლეჯზე დედის ხელის მსგავსად დაეწერე:



„ჩემო ფოსინე, სტუმრები მეწვიენენ, შენი ჭირიმე, ამ საღამოს შენი ტყის თხილი მათხოვე და ხვალ დილით უკლებლივ უკან მოგართმე.“

შენი ელისაბედი“.

ეს წერილი მე თვითონ მიუტანე ფოსინეს, — დედამ გამომგზავნა მეთქი. მან სწრაფად ვადიკითხა, სახე შეიკრა და გაცხარება შევატყე. — კარგო, მე თვითონ მოვალ და მოვართმე იმ ქალბატონსო.

იმ წუთსვე სახლისაკენ მოექუსლე, ლოგინში შევწვევი და, ყველას განსაკუთრებლად, ხილის გამოტანამდის ხვრინვა ამოვუსვი.

ერთხანს მესმოდა შემოსული ფოსინეს გაცხარებული ლანძღვა-გინება, მერე ქალების გულდიანი სიცილ-კისისი, რომელიც დიდხანს გრძელდებოდა. მერე კი მართლაც ძილმა დამძლია...

იანი.

# ჩეზოს



## პიონერად ბადარიცხვა.

გუშინ მოწვეულ სხდომას  
შეთაურობდა გივი,  
როდესაც მორჩა შრომას  
პავშეების კოლექტივი.

იგი დგება და მტკიცედ  
კვებრს საკითხებს შარტავს,  
რომ კრება სმენად იქცეს,  
იწყებს საუბარს სხარტად:

— ამხანაგებო, მისთვის,  
რომ შივალწიოთ შედეგს,  
ჩვენ ბავშვთა კვება უკეთ  
უნდა მოვაწყოთ შემდეგ“.

ზორიგ საკითხს სვამს იგი...  
შლიან მსჯელობას მკვეთრად,

ყოველ საკითხის ირგვლივ  
ღარაზმულეები ერთად.

— ბოლოს გაეუსვამ ხაზს მე  
ამ ჩვენ ოქტომბრულ რეზოს,  
რადგანაც მისი საქმე  
ინტერესს იწვევს ეგზომ!

ცხრა წლის პატარა ბაღლი  
ყველა საქმეში დილობს,  
არ აქვს შრომაში ნაკლი,  
სამჯერ მიიღო ჯილდო.

არცერთ საკითხში თუნდაც  
არ გაუტეხავს ფიცი,  
გაკვეთილები ზულამ  
„ხუთი თითივით“ იცის.




ყველამ შევიგნოთ მტკიცედ,  
გვაქვს სამუშაო ბევრი...  
მესამე წყებას მივსცეთ  
ჯანსაღი ოქტომბრული!

ჩვენ, პატარებიც, შრომას  
კლასური მიზნით ვიგებთ...  
ვადასკა რეზო სხდომამ  
პიონერების რიგებს.



# გვიგინი ქათვი.



გიეიკოსა და ვაზიას დიდი ხანია მოსწყინდათ გაგრძელებული შემოდგო-  
მა. რა თქმა უნდა, სანამ ვაშლები და ვენახები მოსაყრეფი იყო, ერთ წუთსაც  
არ უნატრიათ მათ თოვლიანი ზამთარი, მაგრამ ნოემბერი გაილია, ხე-ტყეს  
ფოთოლი გასცივდა, ხურმა დამწიფდა, სოფლად მარტო ყვანჩალა ყვავი და  
ძერა თუ გადაიფრენდა, ან ბელურების გუნდი თუ გადადიოდა ქვივლით სა-  
ბძლიდან საბძლამდის ან ზვინიდან ზვინამდის.

— დროა თოვლი მოვიდეს, გიეიკო!—უთხრა ვაზიამ გიეის და განაგრძო:

— წელს მამას ას ოთხმოცი შრომა ღლეწერგო, დედასაც ას ორმოცი.  
კოლექტივის გამგეობამ სიმინდი გაანაწილა და ჩაბარების გარდა ას ოცი ფუ-  
თი გვერგო. ბაბუამ თქვა, რომ ას ოცი ფუთი სიმინდი მას თავის ბელელში  
ჯერ არ უნახავს. აქედან ოცი ფუთი გამოეყავით და იმით ღორს ვასუქებთ.

— დიდი საქმე მომხდარა!—მიუგო  
გიეიმ, — მამაშენს თუ ასოთხმოცი შრომადღე  
ერგო, მამაჩემს ორას ხუთი გამოუვიდა,  
დედასაც ას ოთხმოცდაათი. ყანებიც თქვენ-  
ზე უკეთესი მოვლილი ჰქონდა ჩვენს კო-  
ლექტივს და ამიტომ ორასი ფუთი სიმინ-  
დი გვერგო. მამაჩემსაც გამოყო ორმოცი  
ფუთი სიმინდი ღორის გასასუქებლად. მა-  
შასადამე, ჩვენი საკლავი ღორი თქვენზე  
ორჯერ მეტი იქნება, — დაასცვნა გიეიმ.

— როდის ეპირებით ღორის დაკე-  
ლას? — იკითხა ვაზიამ.

— რა დღესაც თოვლს ჩამოყრის.

— მამასაც აგრე უნდა, — თქვა ვაზიამ,  
წიგნების ჩანთა შეისწორა და წამოიძახა:

— ნეტავ ჩქარა მოვიდეს თოვლი!



ამ დროს, სად იყო და სად არა, რამოდენიმე მანძილის დაცილებით ვე-  
ლაც ახმახი გამოჩნდა. აბურღული თმა ბეჭებზე ეყარა, ჭუპყიანი წვეთი-  
მდის სწვდებოდა, გრძელი ანაფორის კალთები მიწაზე მიეთრეოდა და ანაფორის  
სახელოებს უწნოდ აფართოებდა.

ბავშვებმა მღვდელი იცნეს და ტყისაკენ გადაუხვიეს, ცოტა ხნით მორზე  
ჩამოსხდენ, იცინეს და შემდეგ ისევ გზას გაუდგენ მხიარულად.

გივი დაფიქრდა. ბოლოს, თითქოს ვაზია ყველაფრის მკოდნეაო, ჰკითხა:  
— ვაზია, მითხარი, თუ ძმა ხარ, რით ცხოვრობს ეს ვეებჯ კაცი? ის ხომ  
არც ხნავს, არც თესავს, არც შრომობს...

ვაზია შეტერდა, დაფიქრდა, მაგრამ ვერაფერი უბასუხა. ბოლოს, სკოლის  
რომ მიუახლოვდენ, თითქოს დიდი რაღაც აღმოაჩინაო, მხიარულად განაცხადა:  
— გივიკო! მასწავლებელს ვკითხოთ და გვეტყვის.

ბავშვები სკოლაში შევიდნენ და მღვდელი ისე დააფიწყდათ, თითქო არც  
ენახათო.

ორი-სამი დღე არ გასულიყო მას შემდეგ, გივისა და ვაზიას რომ საუბარი  
ჰქონდათ. ნაშუადღევს შავი ზღვის ქვენა ამოვარდა. მიარხ-მოარხია ფოთოლვა-  
ცვნილი ტყე, აწუწუნა როცები, და ნისლია გაღმობიარა. ღამით ბატარა წვი-  
მას ხოშკაკალა მოჰყვა, მეორე დღეს კი ნახევარი მეტრი თოვლი იყო.

გივიმ და ვაზიამ ახალი წინდები და ქალამნები გაიკრეს, ტანს თბილები  
ჩაიცვეს და ნანატრ თოვლში მხიარულად მიდიოდნენ სკოლისაკენ.



ერთ დღეს სოფელში ხმა გავრცელდა, ტყეს დათვი შემოეჩვიო. ეს ტყე სკოლასა და სოფელს შუა იწყებოდა ეკლესიის გაღრმავებით და ქვევით მდინარის პირთან თავდებოდა.

ამ ამბავს რომ სამწუხარო არ დამატებოდა, კომკავშირელები, რა თქმა უნდა, ბევრს იცინებდნენ და იმზიარულებდნენ, მაგრამ ეს სამწუხარო ამბავი ის იყო, რომ საღამოთი სკოლიდან მომავალ ქეთოს დაენახა დათვი ბზითა და ჭკორით გადავილილ საყდრის ეზოში ტყის პირად და შიშით ენა ჩაპყარდნოდა. სოფლისათვის მოულოდნელ ამ ამბავზე კომკავშირის უჯრედის მდივანმა, წითელ ჯარში ნამყოფმა ვანომ, კრება მოიწვია. კრებაზე ვაზიას მოხუცი პაპაც მოიწვიეს.

მოხუცს ძალზე გაეხარა, რომ დათვის საკითხზე მიიწვიეს ის კომკავშირელებმა. თავისი ძველისძველი ფილთა გაახსენდა, ბევრი ეძება ლულა და საღორის თავზე იპოვა, ჩახმახი თავისი დედაბრის ათასნაირ კინკებ-აქუქუნულ ხანდუკში აღმოაჩინა, კონდახი ბელლის თავიდან ჩამოიღო, შეაკოწიწა ერთიმეორეზე და მავთულებით დაამაგრა ლულა კონდახზე.

კომკავშირის უჯრედისაკენ რომ გასწია, მხოლოდ მაშინ შენიშნა, რომ ფილთას ჩახმახთან კაეი აკლდა და ისევ მობრუნდა. საბძლის დვირედან კვერი ჩამოიღო, მოაძრო ბრჭყვიალა თეთრი კაეი და ჩახმახს დაამაგრა, შემდეგ ბეჭზე მოიღო, ცალი თვალი დაქუტა და კორას ისე გახედა და დაუმიზნა, თითქოს დათვი იქ იყო. ბაბუა რომ ბაჯბაჯით კომკავშირის უჯრედისაკენ წავიდა, ბეზიამ მას ამაყად გააყოლა თვალი, მოღწონა თავისი ბერიკაცი, შინ შევიდა ახალი კაბა ჩაიცვა და დარაია დაიხურა.

ამაზე ვაზიას დედას გულთანად ეცინებოდა, მაგრამ დედამთილისათვის არ უნდოდა ეწყენინებია და მეზობლისას გადავიდა მადიანი ხარხარის მოსაწყობად.

ბაბუა რომ უჯრედის სხლომაზე მივიდა, კომკავშირელები გახურებულ მსჯელობაში იყვნენ. მოხუცი კართან გაჩერებას აპირებდა, მაგრამ ერთი კომკავშირელი მკვირცხლად წამოხტა და სკამი დაუთმო. მოხუცი ჩამოჯდა და ფილთას დაეყრდნო.

კომკავშირელები მსჯელობდნენ, როგორ გასწორებოდნენ დათვის. ვინ რას არ ამბობდა, მაგრამ ვანომ ყველას ლაპარაკი შეაწყვეტინა და ბაბუას მისცა სიტყვა.

ბაბუამ ყმაწვილებს პატიება სთხოვა თავისი შეუძლო ფეხების წყალობით კრებაზე დაგვიანებისათვის და ყალიონი მომართა, ბოლოს. რომ ამოისუნთქა, ვანოს მიჰმართა.



— მის მოსვლამდის არაფერი გეტყინოს, ჩემო ვანო, პაპაშენი დათიკო ახოვანი ვაეკაცი იყო. რუსები რომ ბათუმს იპყრობდნენ, ერთადღიყავით, შინაც ერთად დაებრუნდით. გზად ვამოვლისას ყულევს ერთი უღელი მოხვედნით: იქნებ და და ჩამოვრგვეთ შინ. დილით და საღამოთი რომით კვებავდა. ერთხელ ხარის საშინელი ბლავილი მოისმა. დათიკო გარეთ გამოვარდა, ხელში ცული მოჰყვა და საჩხეში ჩაიჭრა; ხარის კისერში დათვი ჩაჭურენოდა. ყვირილზე დათვმა დათიკოს შეუტოვა. დათიკომ ცული თავში დაატყა, და დათვმა სული იქვე განუტევა. ის იყო და ის, მას შემდეგ დათვი ჩვენს ნიადაგს არავის უნახავს.

კომკავშირელები მხოლოდ ახლა გამოვრკვევენ, რომ თუმცა დათვის თავდასხმაზე ბევრი ლაპარაკობდა, მაგრამ კვალი ჯერაც არავის ენახა. სინამდვილე კი სინამდვილედ რჩებოდა: ქეთო დათვმა შეაშინა და ენა ჩაუვარდა.

— მაინც რა აზრისა ხართ, ბაბუა? ჰკითხა ვანომ.

— რა გითხრათ, ყმაწვილებო, — დაიწყო ისევ ბაბუამ, — არა მგონია დათვი იყოს სადმე ჩვენს არემარეში, მაგრამ სხვა რამ ავი სული იქნებ არის.

კომკავშირელებმა გადაიხარხარეს.

ბაბუას შერცხვა. ნაწყენად და ხრინწიანად შეუტია ბიჭებს:

— ეშმაკები არც მე მშვამს. დათვი თუ არის, თქვენზე ნაკლებ არც მე გამოვდგები საქმეში.

კომკავშირელებმა სიცილი შეწყვიტეს, რადგან მიხვდნენ, რომ ბაბუას ძალზე აწყენინეს ამით.

ვანო კი მიხვდა, რომ დათვი მართლაც არაფერ შუაში იყო, მით უმეტეს რომ თოვლში დათვს ძილი უყვარს და არა საფრთხობელად სიარული.

უჯრდიც ამ აზრს დაადგა, მაგრამ „დათვმა“ კიდევ დააფრთხო ბავშვები. რალა გზა იყო, ტყისა და საყდრის პირად საგუშაგოები ან ყარაულები უნდა დაეყენებიათ.

თოვლის მოსვლის მესამე დილით მოიწმინდა. თოვლი გაყინულიყო და ბროლის ღერძილივით ბრჭყვინავდა მხეზე. ნიავე ტყიდან მოჰქონდა ხის კანის საამური სუნი. ჭობებსა და სახლებში გაბუღმებით ამოდოდა კვამლი.

ვაზიას მამამ დილით ძროხას საკვები დაუყარა, წყალი მოზიდა და საარაყე ქვაბი შემოდგა ცეცხლზე. ვაზია გივისას გაიქცა. შინ რომ შევიდა, გივის მამა ჯირკზე ჩამომჯდარიყო და დანას ღესავდა. ვეებერთელა ქვაბი იქაც დუღდა ცეცხლზე. გეჯაც მზად იყო. პატარა ხნის შემდეგ ეზოები ღორის ქყვილმა აიკლო: კოლმეურნეობის ოჯახები ღორის ხორცს ამზადებდნენ საზამთროდ.

გამოსასვლელი დღე იყო. ყმაწვილები შინ იყენენ და საღამოს ერთიმეორეს უამბობდნენ, ვისი ღორი რამდენი ფუთი ავიდა და ვინ რამდენი სასუქი და ალაფი დახარჯა. გივის მამის ღორი მაინც ყველას სჯობდა, ის ოცდამეორე ფუთს იწონიდა.

დაღამდა.

კომკავშირელები არსად ჩანდნენ. ზოგიერთის თქმით, ისინი ქალაქში წავიდნენ და ორ დღესაც არ დაბრუნდებოდნენ.

ერქვესუი  
ნიჲსნიქიქა

ვაზიას ბაბუა ცეცხლის პირას იჯდა და წუხდა, რომ დათვზე ნადირობა აღარ ერგო ამ მოხუცობის დროს.

ბებია ნიშნის მოგებით ეუბნებოდა მას:

— ბერკაცს სათრევად და ზურგზე ასაკიდებლად ხომ არ წავიყვანდენ სანადიროდ.

ამაზე ბაბუას გული მოსდიოდა, იბღვირებოდა და თანაც თავის ბათოამის ლაშქრობიდან მოტანილ ფილთას ქურდულად შესტკეპოდა.

ვაზიას დედა კი თავის გულში მზიარულობდა გულატრაკებული მოხუცების ყურებით და არც ის აკლებდა სახუმრო სიტყვებს.

— ა, მამა, მამა, როგორ იყო, რომ დათვზე გინდოდა ნადირობა? მერე ისიც მავთულით შეკრული ფილთათი?

ჩაიკინებდა და ქაფავდა დასალორავ ხორცს.

კოლმეურნეების სახლებში იმ საღამოს თითქმის ყველას ერთნაირი ვაზშია ჰქონდა: ღორები დაკლეს, ზოგი გემრიელ ნეკნებს შეეპკეოდა, ზოგი მოხარშულ ღვიძლს ატანდა ცხელ მქაღს და ზოგიც მწვადსა წვავდა.

ამ დროს კი საყდრის ეზოს ბზისა, ქუორისა და შექერის ბურღებში ვიღაც ინძრეოდა და თავის მსხერბლოს ელოდა. მწვადისა და მოხარშულის სუნი მოჰქონდა სოფლიდან ნიავს, და პირი ნდომითა და ნერწყვით ევსებოდა. გრძელი და აშლილი თმა სახეზე შეკბურვოდა, შავი ქოთანა გაბრებილი ქუდი თავს ჩამოჰვებატოდა, ანაფორა ტანს შემოეხვია, ფართოუბეებიანი შარვალი ჩექმებში ჩაეტნებია და ადგილზე ტრიალებდა. ის ამბობდა თავისთვის:

— ღორები საშობაოდ უნდა დაგვეკლათ და თითო ბეკი ჩემთვის უნდა გამოგვგზავნათ. არ ინებეთ? ახლა მე ვიცი, რაც დღე დაგაყაროთ! ეკლესია ხომ წემს ხელშია, კიდევ ჩავუგდებ ვისმე შიშით ენას.

მღვდელი ბურღებში შეირბა, და კუნელში თავშეფარებული ბელურები სიბნელეში აფართქალდენ.

თოვლიანი შარიდან ფეხის ხმა მოისმა. მღვდელმა ბზის ტოტებში გაიხედა და თოვლის შუქზე გაარჩია ორი მომავალი, რომლებიც გულიანად იცინოდენ, ერთიმეორეს თოვლს აყრიდენ. მომავლეები ქალები იყვნენ.

მღვდელმა უცებ ჯიბეში ჩაიღო ხელი, ასათი გაკრა და ჯოხის წვერზე ჭაკეთებულ, ნავთში ამოვლებულ ბამბას მოუყიდა სწრაფად, მერე ისევ თოვლში ჩაკრა და ჩააქრო. აღმა უცებ გაანათა არემარე და ისევ ელეის სისწრაფით ჩაქრა.

უცებ ყველაფერი დადუმდა. ქალებმა შეკიეღეს და, რაც ძალი და ღონე ჰქონდათ, მოკურსხლეს.

მოშორებით ჩასაფრებულ ვანოსა და მის ამხანაგებს სწორედ ეს უნდოდათ, ხელათ გადმოხტენ, თათები ჩახმახზე შეაყენეს და ბურღებს დაუარეს. დიდი ხანი ძებნეს „დათვი“, მაგრამ ვერსად აღმოაჩინეს. ბოლოს ერთი კომკავშირელი ბზის ბუჩქნარში შევიდა, საიდანაც საეკვო ხენეშა მოესმა, და სიცივისაგან აკანკალებული მღვდელი გამოათრია.

ეს ამბავი დილითვე შეიტყო სოფელმა. ქეთოს მამა კეტით გამოვარდა უნდოდა მოეხევეა დათვი, მაგრამ რადგანაც ქეთოს მოკეთება ეტყობოდა, და-  
ნძღვა-გინებით შინ დაბრუნდა.

ქართული  
ლიტერატურა

ვაზიას ბაბუა კი თავისთვის ამბობდა:

— იმე, აბა ვის გაუგონია დათვი ჩამოსულიყოს ჩვენს სოფელში, მთაშიაც გააწყვეს მონადირეებმა.

შობადღეს ხარი დიდხანს რეკდა: ეძახდა მლოცველებს. ბაბუამ ქალამ-  
ნები ჩაიცვა, ძველი ჩოხა მხრებზე მოიდვა, ქამარი მაგრად შემოიკრა მოხრილ-  
წელზე და სკოლისაკენ გააცილა ვაზია.

გამოციებულ საყდარში მღვდელი დრიალებდა, მას ბანს აძლევდა სიცი-  
ვისაგან აკანკალებული დიაკონი.

ბაბუა ხელსაბიჯგი ჯოხით შეუვარდა მღვდელსა და დიაკონს, დიდხანს  
ღანძღა, ავინა და გამოვიდა.

— შშიერი დათვი! შშიერი დათვი!— იძახოდა მოხუცი, ვაზია კი გულია-  
ნად იცინოდა.

ბ. ჩხიძე.

## საოცარი გაფრენა

ეს ამბავი მოსკოვში მოხდა.

29 სექტემბერს მოსკოვის ერთერთ სახლში მამას სულგანაბული უსმენდენ  
შვილები, მამა კი მეტად საინტერესო ამბავს მოუთხრობდა მათ. ბავშვები ხან-  
დახან ვერ ითმენდენ და კითხვებით აწყვეტინებდენ მას საუბარს.

— მამა, მაშ ხვალ უეჭველად წაგვიყვან აეროდრომზე?

— წაგვიყვანთ, შვილო, წაგვიყვანთ.

— აეროდრომი რა არის?— იკითხა პატარა ვასიამ.

— აეროდრომი დიდი ვაკე ადგილია, საიდანაც აფრინდება ჰაეროპლანი-  
და ძირსაც ისევ იქ დაეშვება. აეროდრომზე არც უსწორმასწორო ადგილებია,  
არც ქვები, და ჰაეროპლანს თავისუფლად შეუძლია გაგოგდეს, მერე კი ნელ-  
ნელა მოსწყდება მიწას და ჰაერში ავა. როდესაც ჩამოფრინდება, მაშინაც ერთ-  
ხანს გოგავს და მერე შეჩერდება.

— მაშ, როგორც ვითხარით, ხვალ უნდა აფრინდენ ჰაერში სტრატოსტა-  
ტით, — განაგრძო მამამ. — ეს სტრატოსტატი ჩვენ ქარხნებში გააკეთეს.

— სტრატოსტატი რაღა არის? — ისევ იკითხა ცნობისმოყვარე ბავშვმა.

— აი, შვილო, დახედე სურათს. ეს არის სტრატოსტატი. ის აფრინდება  
მაღლა, ძლიერ მაღლა. მას მიბმული აქვს პატარა ოთახი, რომელსაც გონდო-  
ლა ჰქვია. იმ ოთახში აღამიანები ჩასხდებიან.

— ღრუბლების ზევით აფრინდებიან, ვასია, — უთხრა თვალმგაბრწყინვე-  
ლულმა კოლიამ.

— არაფერიც! — მიუგო ბიჭუნიათ. — შენი თავი მოატყუე.

— აი, უკუთრე ახლა ამას! მართალს არ ვამბობ, მამა?



— მართლს ამბობ, ისინი ძალიან, ძალიან მალლა აფრინდებიან და ჩვენ რადიოთი გვაცნობებენ, თუ რა მდგომარეობაში იქნებიან, ან რას ნახავენ.

— რადიოც ექნებათ?—გაიოცა ვარიამ.

— რადიოც ექნებათ და ისეთი მოწყობილობანიც, რომელნიც ჩაწერენ იჭაურ ამბებს, მაგალითად: რამდენი გრადუსი სცივება და სხვ. ჩვენ ხომ ჯერ არ ვიცით, იქ რა ამბებია, ჯერ აღამიანი იქ თითქმის არც ყოფილა.

— როგორ თუ თითქმის? ვინმე იყო იქ?

— ერთი ბელგიელი პროფესორი აფრინდა, გვარად პიკარი.

— ძალიან მალლა აფრინდა?

— თექვსმეტ კილომეტრზე და ორას მეტრზე. ჩვენებს კი უფრო მალლა უნდათ აფრენა.

— უჰ!—გაუკვირდათ ბავშვებს.

— დიდია ის სტრატოსტატი?—იკითხა ნიურამ.

— დიდია, დიდი. აი, ხვალ თქვენ თვითონ ნახავთ.

— მაინც რამხელაა, მამა?—არ ისვენებდა ცელქი ვასია.

— ათსართულიანი სახლის სიმაღლეა, ბავშვებო.

ბავშვებმა გაოცებისაგან პირი დააღეს. ნიურამ და ვარიამ ერთმანეთს გადახედეს: ხუმრობს მამა თუ მართლა ამბობსო, და მამის სახეზე ამოიკითხეს, რომ ის არა ხუმრობდა.

— ათსართულიანი სახლის სიმაღლე?—გაფართოებული თვალებით გაიმეორა ნიურამ.

— აბა, ახლა კი ძილის დროა, ხვალ აღრე უნდა აედგეთ,—უთხრა მამამ ბავშვებს.— ხვალ თვითონ ნახავთ, რამხელაა და რანიირი...

\*  
\*  
\*

30 სექტემბრის დილაა. მოსკოვის აეროდრომს აუარებელი ხალხი მოაწყდა. მოდიან ტრამვაით, ავტობუსებით, ავტომობილებით, მოდიან და მოდიან...

— ძალიან საინტერესოა, ძალიან!

— თუ კარგად დასრულდა ეს აფრენა, ეს ჩვენი ქვეყნის დიდი გამარჯვება იქნება.

— კაცო, როგორ არ ეშინიათ, ჰაერის ზევით უნდა აფრინდენ, სადაც არავინ არ აფრენილაო. იქ, თურმე, ისეთი სიცივება, ისეთი სიცივე, რომ პირდაპირ გაგაგიგებს.


— ეჰ, კარგი, ერთი, შენც თქვი, რაღა! სიცივე იქნება, აბა რა, მაგრამ მათ კი არ შესცივდებათ: ისინი დახურულ გონდოლაში, ე. ი პატარა ოთახში იქნებიან.

აი აეროდრომიც. ირევა ზღვა ხალხი.

უზარმაზარი მტრედისფერი სტრატოსტატი მზად არის ასაფრენად. ის მსხალს წაავავს, დაბლა ვიწროა, მალლა კი ფართოა. თვალი ვერ ძლება მისი ცქერით.

— გასაფრენად!— გაისმა ბრძანება.

— არის გასაფრენად! — გაიძახის გონდოლაში მჯდომი, და ეს თვალწინ მტაცი სტრატოსტატი მოსწყდა მიწას, ავიდა მაღლა, მაღლა, თანდათან პატარავდებოდა და ბოლოს მთლიანად ოდენა გახდა. მთელი მოსკოვი მისჩერებოდა. მაშინ ყველას ცისკენ ჰქონდა თვალები მიპყრობილი. ეს მოხდა დილის 8 ს. 41 წუთზე.



27 წუთის შემდეგ სტრატოსტატი რადიო გამოგზავნა:

— 12 კილომეტრის სიმაღლეზე ვართ. ვართ 65 გრადუსი ნოლს ქვევით.

ორი რადიოსადგური უსმენდა მას და პასუხს უგზავნიდა.

აი კიდევ მოვიდა რადიოცნობა:

— 17 კილომეტრსა და 900 მიკროს სიმაღლეზე ვართ. ვართ 67 გრადუსი ყინვაგონდოლაში კი 22 გრადუსი სითბო.

კიდევ რადიო:

— 12 ს. 45 წუთი. სიმაღლე - 19 კილომეტრი.

19 კილომეტრის სიმაღლეზე აფრინდა სამი უშიშარი ადამიანი: პროკოფიევი, ბირნბაუმი და გოდუნოვი.

არცერთი ადამიანი არასოდეს არ ყოფილა ამ სიმაღლეზე. საბჭოთა კავშირმა გაიმარჯვა, გაიმარჯვა მის ქარხნებში გაკეთებულმა ათსართულიანი სახლის სიმაღლე სტრატოსტატი.

საღამოს 5 საათზე სტრატოსტატი „С С С Р“ ლა-

მაზად დაეშვა ქალაქ კოლომნაში, მდინარე მოსკოვის ნაპირას.

შ. თაბა—ლი.



# ქართული თხოვნა



დილიდან მოყოლებული  
გუშინ მთელი დღე თოვდა,  
ღარიკა დაღონებული  
დღდას მუდართ სთხოვდა:

— შენი ჭირიმე, გეთაყვა,  
დელი, გამიშვი გარეთ,  
გავითამაშებ ერთ-ორ წამს  
და დავბრუნდები მალე.



— გამიციელები, გოგონავ,—  
ეუბნებოდა დედა,—  
ხედავ, რამხელა მოთოვა,  
რა ამინდია, ხედავ!

რა ქნას, ეწყინა ღარიკას,  
ბუხარს მიუჯდა თბილად.  
გარეთ თოვა და ქარია,  
ფისოს ბუხართან სძინავს.



დღეს დასვენების დღე არის,  
გულმა დაუწყო ძგერა,  
დავალებული დღიურის  
იწყო გოგონამ წერა...

გიორგი კალანდაძე.

# სტუმრები




ქართული  
წიგნების  
კავშირი

დღეს მთიელ ბავშვთა სახლში სტუმრებს ელიან.

დიდი ამბავი, დიდი ფუსფუსია გაჩაღებული, გოგო-ბიჭები დარბაზში სკამებს აწყობენ, პლაკატებს აკრავენ, ყვავილებით აქაურობას ქარგავენ.

—კაკ —კუკ, კაკ —კუკ! —გაისმის დარბაზის აღმოსავლეთ ნაწილში რახუნი. იქ სცენას მართავენ, ჩქარობენ.



ხმამალა ლაპარაკი, სიცილი და ზოგჯერ კი გაჯავრება ისმის ფარდის იქით.

ბავშვები შედიან და გადიან, პაწია სტუმრებს მოუსვენრად ელიან.

ყველანი აქ არიან, ყველანი, გარდა დიოლასი და სოფიკოსი.

ეს ორივენი ახალჩამოსულნი არიან. ისინი ჯერ აქაურობას ვერ შესწვევიან. ელექტრობა, სისუფთავე, გემრიელი ქაშა-სმა და კობხად ჩაცმა-დახურვა პირველ დღეს ძლიერ ესიამოვნათ, მაგრამ შემდეგ, როცა თავიანთი სოფელი, ერთს დედა და მეორეს საყვარელი მამიდა გაახსენდა, საკუთდად აიბუზნენ და ჩუმად აცრემლდნენ.

აგერ მეორე დღეა ბავშვებს არ ეკარებიან. სულ განმარტოებას ეძებენ, რომ თავისუფლად იფიქრონ საყვარელ სოფელზე.

აი, ახლაც.

დიოლა ფანჯარას მისდგომია და მამადავითის მთას გასცერის.  
ზამთრის პირია, მთის მწვერვალიდან თოვლი მოჰანს.



კოტა ჭვემით მამადავითის მთის გულ-მკერდს ნისლი ფარავს. მთიელ ბავშვთა სახლის წინ გაშიშვლებული ხეები დგანან, ცივი ქარის დაბერვაზე ისინი ოდნავ ზუზუნებენ და ტიტველა შტოებს ნალვლიანად არხვინ.

ზშირი ღრუბლები დაბარებულოვით სადღაც სწრაფად გარბიან.

დიოლამ შეხედა ბურუსით შემოსილ მამადავითის მთას და საყვარელი სვან ეთი გაახსენდა.

გაახსენდა უზარმაზარი ყინულისანი მთები, კლდიდან ლურჯად ამოხეთქილი მდინარის ოდენა წყაროები, მრავალკოშკიანი სოფელი, დიდი ავიზგიზებული ბუხარი, პაპას ყალიონი და ცხელცხელი საუზმე.

გული სიხარულით აეგსო, როცა თავისი საყვარელი წითელი ხბო თვალწინ დაუდგა, თავისი ფუნინა, შუბლზე რომ თეთრი ნიშანი ჰქონდა.

როგორ უყვარდა დიოლას, როცა ის მასთან მივიდოდა: ნიშა ყოველთვის ხელეზე ეტანებოდა და ლოკავდა. დიოლას მუდამ მარილიანი ლუკმა ეღო ჯიბეში. სწორედ იმ ლუკმით შეიჩვია ის ხბო. სადაც უნდა მოესწრო თვალი, ნიშა იმ წამსვე ხტუნვა-კუნტრუშით გაქანდებოდა გოგონასაკენ, ეს დიოლას ძლიერ უყვარდა. ბევრჯერ ისიც ყოფილა, რომ ხბო ბავშვს თავისებურად გამზუმრებია: აღერსის დროს მხიარულად რქებით დასძვგრებია.

დიოლამ მამადავითის მთას თვალი მოაშორა და საწოლისაკენ გაიხედა. იქ თავჩაქინდრული სოფიკო იჯდა.

ის ისე ძლიერ იყო დაღონებული, ხელებსაც ისე აფოთილებდა, რომ საცა იყო ტირილს დაიწყებდა. დიოლას თავისი თავი დაავიწყდა. სოფიკო ძლიერ შეეცოდა და მასთან მივიდა.

— მოდი, სონა, მე და შენ ერთად ვითამაშოთ, ჩვენ იქ ნურცკი წავალთ. რად გვინდა, იქ ვიღაც უცხო სტუმრები უნდა მოვიდნენ.

სონამ თავი დაიქნია, — ეს თანხმობის ნიშანი იყო.

— მოდი, შენ რომ თამაშობა მისწავლე, შენ გენაცვალე, ის ვითამაშოთ. მე ძლიერ მომეწონა.

დიოლამ ორივე ხელის თითები ფართოდ გაშალა, ერთმანეთს მიადო და კიბე ვაკეთა.



— აბა, ჰა! შენ მეზობლის გოგო იყავი, მე დიასახლისი ვიქნები. ჰა, ჩქარა, შენ გენაცვალე, შენი ქირიმე...

სონას თამაშობა იმ წამს სრულიადაც არ უნდოდა, მაგრამ დიოლას სონამ ხეწწნამ იმოქმედა, ხათრი ველარ გაუტეხა, შუბლიდან თმები გადაიწვ-გადმოიწია და პაწია სალოკი თითი ქვემოთ, ნეკებზე დაადო.

— დედაჩემმა ერთი პური მასესხეო...

გაპარებული ხმით დაიწყო მოწყენილმა სონამ.

— გოგო, ზემოთ ამოდი, ზემოთ, შორიდან რას შემომძახი, — ვითომ აივნიდან დარბაისლური ხმით ჩამოსძახა დიასახლისმა — დიოლამ.

— ძაღლისა მეშინია, ძაღლისა, — ბურანში წასულღივით წარმოთქვა სონამ და ისევ მოგონებამ გაიტაცა, ისევ თავისი სოფელი თვალწინ ნათლად დაეხატა.

აგერ მამიდას თონე, ალი ცამდის აღის, მამიდა ნაზუქს აცხობს, სტუმრებს მოვლის, სონას კობტა კვერს უცხობს, და სონას ძლიერ უხარია.

იქვე მურია ძაღლი წევს, ლმობიერი თვალებით თეთრ გუნდებს უცქერის. ნაზუქის გამოცხობის შემდეგ თონეში ყვითელ დიდ გოგრას შეწვავენ. თანაც რამდენი ხილი აქვთ! იქვე მარნიდან ვაშლისა და მსხლის სუნი მოდის. მაგრამ განა მარტო იმით ჰქონდათ ბევრი ხილი. სოფლის ეკლესიის დიდ გალავანში, კოპრატატივის შენობებში ხილის მთები იდგა, ურმების ქარავნები ვაშლსა და მსხალს ეზიდებოდა და სოფელს ხილი თითქოს არც კი აკლდებოდა. აქ კი...

— რა ვქნა, რას გაშტერდი, ამოდი, რალა, ზევით. შენ, ეი! არ გესმის-სონას თითქოს გამოეღვიძა. მან სწრაფად თითი ზემო საფეხურზე ადგა და ისევ შესძახა;

— დედაჩემმა ერთი პური მასესხეო!

— ზევით ამოდი, — უბასუხა დიოლამ.

— ძაღლისა მეშინია, — ოდნავ წარმოთქვა სონამ და ისევ ჩაფიქრდა.

ახლა მამიდას სახლი აცუყდა, თვალწინ სონა მამიდასთან იზრდებოდა სახლი წყლისპირად ჰქონდათ აშენებული, მთვარიან ღამეში წყალი ისე ლაპლაპობდა, როგორც სარკე.

ო, ო, როგორ უყვარდა სონას თავიანთი სახლის გვერდით ლეკურის გაჩაღება! მთელი უბნის გოგაგები მუდამ თავს იქ იყრიდნენ, შუალამემდის ცეკვავდნენ. დაირის მაგივრად მამიდას ნაშვითვ მიჰყულებილ-მიჰყულებილ ტაშტს უბრაზუნებდნენ, სონა კი პირით ისეთ მუსიკას აწიწიკინებდა, რომ ხუთ არღანსა და ათ ზურნას გააზუნებდა.

მერე რა კეთილი მამიდა ჰყავს, ის არც გოგოებთან რბენას და არც ცეკვას არ უშლიდა. „ნეტავი სად არის, სად, ცალი თვალთ მინც ღამანახვა...“

— ძაღლი დაბმულია, გოგო, დაბმული!

ჩასძახის დიოლა ისევ გაშტერებულ სონას.

სონა მოტრიალდა, დიოლას ზურგი შეაქცია და თვალებზე ხელები მიიფარა. ამ წამს ხმაურობა მოისმა, აივანზე მრავალი ფეხი ამოძრავდა.



ოთახში, სადაც დიოლა და სონა იყვნენ, პაწია მოხვევ შემოვარდა.

— მოდიან, არიკა, მოდიან! ჩვენი სტუმრები მობრძანდებიან, იმდენი არიან, იმდენი, რომ...

როიალის ხმაც მოისმა, მარშს უკრავენ, ხმაურობა და გუგუნეი ძლიერდება. სონამ სწრაფად მოიწმინდა კრემლები. ვოგონებმა გამოავლარებულ მზესავით შესკინეს ერთმანეთს და ორივენი გამოცვივდნენ.

მართლაც მოსულიყვნენ. მთიელ ბავშვებს პირველი საცდელ-საჩვენებელი საბავშვო ბალი ესტუმრა.

მასპინძლები წითელი ბაირალებით მიეგებნენ. დღეს სტუმრებს წარმოდგენას აჩვენებენ. იმღერებენ, ლექსებსაც იტყვიან...

დიოლა და სონა საწოლი ოთახიდან მოკრძალებით იცქირებიან.

სტუმრები სულ პაწიაწები არიან. კვიანად მოდიან. ყველას სახე უცინის. დარბაზის ზემა ნაწილში სცენა უკვე გამართულია, ჩამოშვებული ფარდა

ნელა ირხევა.

მასპინძლები დიდ ფაციფუცში არიან. მოუსვენარი ხმაურობა, ზოგჯერ სიცილი ისმის ფარდის უკან.

საცაა ზარიც დაიწყკრაილებს. სტუმარი ბავშვები სცენის წინ გაშლილ ხალიჩებზე ფერად მძივებივით ჩაიწყაბნენ.

ისინი გულისფანცქალით ელიან წარმოდგენას.

დიოლა და სონაც პაწია გოგონებს მისხდომიან და ახლადმოსულებს ცნობისმოყვარეობით შესცქერაიან.

დარბაზში ქალი აინთო. ბურუსმა ქალაქი ჩამოაბნელო, სცენაც გაჩაღდა.

ზარი კიდევ დაირგვა, და ყველა გაჩუმდა. ფარდა აიხადა, სცენაზე პიონერები გამოჩნდნენ. პიონერებს კრება აქვთ.





ერეკლეტი  
1913

თავმჯდომარე აირჩიეს, სიტყვის ნებართვას იღებენ და რალაცას ლაპარაკობენ.

ბაწია ბავშვებს ჯერ არაფერი ესმით, მაგრამ ლაპარაკს რომ ათავებენ, ლა ტაშს უწყაპუნებს.

ანტრაქტი გრძელი გამოდგა.

ფარდისაკენ ისევ კაკუნი და ჩოჩქოლი ატყდა.

სტუმარი ბავშვები თითქოს დაილაღნენ. ისინი ჯერ ოდნავ ახმაურდენ, მერე სკასავით აგუგუნდენ.

მერე კი... მერე ნამდვილი წარმოდგენა იქ იმართება.

სიმღერა, ხტომა, ცეკვა...

გივი სკამზე რალაცა ვარჯიშს აკეთებს...

თინიკოს მაცვალას ზურგზე თითები აუთამაშებია, ვითომ პიანინოზე უკრავს, თან ისე გაქიანურებით წრიპინებს, რომ ბავშვები სიცილით კვდებიან.

ნათელა ლექსს ამბობს: „ყვავო, ყვავო, ყვანჩალო...“

ზოგნიც მღერიან, ყველა თავის სურვილს ისრულებს, ყველა მზიარული და ბედნიერია.

დიოლა და სონაც იქვე მიმსხდარან და თავიანთი საყვარელი თამაშობით გულს ართობენ.

— დედაჩემმა ერთი პური მასესხეო.

— ზემოთ ამოდი, გოგო...


— ძაღლისა მეშინია...

— დაბმულია, შვილო, ნუ გეშინია...

სონას თითი ზემოთ ცურდება. მეხუთე საფეხურზე რომ ავა, ვითომ ძაღლი ჯაჭვს გაწყვეტს და გოგოს გამოუვარდება.

— ჰაუ, აუ, აუ!—ყვირის დიოლა, (შეშინებული სონა ხარხარებს, სტუმარი ბავშვები შემოჰხვევიან. ახალი თამაში ყველას ძლიერ მოეწონა, ყველა კიბეს აკეთებს, პურს სესხულობენ; ზოგი ძაღლივით ყფებს და ყველანი ხარხარებენ. სონა და დიოლა ახლა ძლიერ ბედნიერები არიან.

ცაჭიცი



საქართველოს  
საბავშვო ჟურნალი

# შედეგად რვეული

ჯგუფში ცხარე კამათია,  
პირველ სიტყვას ამბობს შალვა:  
— ყველა რვეულს ხაზები აქვს,  
ამან რაღა დააშავა?!

ამ რვეულზე ჩვენ ვერ დავწერთ  
სწორ ხაზებად ვერცერთ სტრიქონს,  
ალბათ, ფიქრობს ვიღაც ასე,  
ნასწავლებლები ვიყოთ თითქოს...

მქონდა დიდი მონდომება  
დამეწერა სუფთად, კარგად,  
მავრამ ბევრჯერ, უხაზობით,  
შრომა ფუჟად დამეკარგა.

აბა, ერთი, სოცშეჯიბრში  
როგორ უნდა გავიმარჯვო,  
უვარგისი ნიეთის ვამო,  
ჭალადი რომ დაიბლაჯნოს!

დღეს კი, ჩემო მეგობრებო,  
კარგად წერა გვმართებს მხოლოდ,  
სჯობს უხაზო რვეულებში  
წერას უკვე დავეთხოვოთ.

გამოიჭრა ცელქი გივი  
ოქტომბრელთა ერთერთ წრიდან,  
იგი თავის დამკვრელობით  
ცნობილია გასულ წლიდან:



„რვეულების დარდი ნუ გაქვთ,  
ახლა უკვე პრაქტუტ ბევრი,  
რამდენიც გსურს იმდენს დაწერ,  
ხაზებშიც არ დაიბნევი“.

და ბავშვებში გოგის სიტყვით  
დატრიალდა სიხარული,  
ხაზიანი რვეულების  
ამოძრავებეს სიყვარული.

ჯგუფში ცხარე კამათია,  
პირველ სიტყვას ამბობს შალვა:  
— ყველა რვეულს ხაზები აქვს,  
ამან რაღა დააშავა?!

ლავროვიჩი ბიბინაძე



არც ისე დიდი ხანია მას შემდეგ, რაც ჩვენს ქვეყანაში, საბჭოთა კავშირში, მუშათა კლასმა და წითელმა არმიამ იღმრესაწაულეს სიმონ ბუდიონის დაბადების 50 წლისთავი.

ვინ არ იცის, ვინ არის ბუდიონი! ზად გინდა, რომ არ გაიგონოთ მისი სახელი! მის შესახებ ბევრი საინტერესო ამბავი წერია წიგნებში, მისი სახელი ყოველთვის გვხვდება გაზეთებში.

ბუდიონის გმირობის შესახებ ხშირად ჭუჭუბუკ გაიგონებთ.

აი მოდის ლამაზად, მწყობრად დარაზმული წითელიარმიელების რიგები, ისინი მღერიან ხალისიანად და ამ სიმღერაში იხსენიებენ ბუდიონის სახელს, ბუდიონის შესახებ ამ სიმღერას მღერიან მეზღვაურები, კომკავშირელები და პიონერებიც.

ბუდიონი ერთი უსაყვარლესი ხელია ჩვენს ქვეყანაში. მერე რატომ იმიტომ, რომ ბუდიონი იყო ერთი უშესანიშნავესი, ნიჭიერი, გაბედული სარდალი წითელი ცხენოსანი არმიისა, რომელიც გმირულად და თავგანწირულად ებრძოდა ჩვენი ქვეყნისა და მუშათა კლასის უაზრავ მტერს.

ეს მტრები იყვნენ კაპიტალისტების დამცველი თეთრგვარდიელები, გენერლები.

ვინ მოთვლის, რამდენი სისხლი დაიღვარა, რამდენი საუკეთესო ადამიანი დაიღუპა იმისათვის, რომ ჩვენ ბედნიერად გვეცხოვრა.

იმ ომებსა და ბრძოლებს, რომელსაც ადგილი ჰქონდა რამდენიმე წლის განმავლობაში ჩვენში, სამოქალაქო ომები ეწოდება. ეს იყო ის დრო, როცა რევოლუციურ რუსეთს გარს შემოერტყა თეთრგვარდიელებისა და უცხოეთის იმპერიალისტური სახელმწიფოების ჯარები. მათ უნდოდათ ძველი თავად აზნაურული, მდიდრების მთავრობის დაბრუნება, ბოლშევიკების გარეკვა და მუშათა კლასისათვის ძალა-უფლების წართხევა.

მაგრამ მუშათა კლასი და მშრომელი გლეხობა მეფის გენერლებსა და მათ ჯარებს სამკვდრო-სასიცოცხლოდ შეებრძოლა. ამ ბრძოლას მუშებისა და გლეხების ინტერესების დასაცავად წითელი არმია აწარმოებდა.

წითელმა არმიამ კონტრრევოლუციურ გენერლებთან ბრძოლაში მრავალი თავგანწირული და გმირული ბრძოლა გადაიხადა. ახალგაზრდა საბჭოთა ხელისუფლების მთელი ყურა-



დღეობა სამოქალაქო ომის პერიოდში წითელი არმიისადმი იყო მიპყრობილი.

ამხ. ლენინი უდიდეს ყურადღებას აქცევდა წითელი არმიის ბრძოლებს. ამხ. სტალინი თვითონ უშუალოდ იღებდა მონაწილეობას წითელი არმიის გამარჯვებათა მოწყობაში, თვითონ უშუალოდ ხელმძღვანელობდა ომის წარმოებას.

განსაკუთრებით სახელოვანი ბრძოლების წარმოება მოუხდა სამოქალაქო ომში წითელ ცხენოსანთა არმიას.

სწორედ ამ არმიას მეთაურობდა ს. ბუდიონი. იგი სამოქალაქო ომამდის ზეფის უბრალო ჯარისკაცი იყო, უღარიბესი გლეხის შვილი. როცა ჩვენს ქვეყანას და ახალგაზრდა საბჭოთა ხელისუფლებას დაუწყეს ბრძოლა ათასგვარმა კონტრრევოლუციურმა გენერლებმა, ბუდიონმა გადაწყვიტა მათ წინააღმდეგ ბრძოლა. მან თავის სოფელში შეაგროვა რამდენიმე ცხენოსანი კაცი, დაიარა მთელი აჯლომახლო სოფლები, მოხალისეებისაგან შეადგინა საკმაო რაოდენობის ცხენოსანი რაზმი და კონტრრევოლუციონერებს გაუმართა ბრძოლა.

ამ რაზმმა გაუმართა ბრძოლა თეთრ-გვარდიელების ჯარებს, იგი დევნიდა მათ, თავს ესხმოდა. რამდენიმე ხნის შემდეგ ბუდიონის რაზმი შეუერთდა წითელი არმიას, და პატარა ცხენოსანი რაზმისაგან შედგა მთელი ცხენოსანი არმია, რომელიც ისე საშიშარი შეიქნა თეთრგვარდიელებისათვის, რომ როცა კი გაიგონებდნენ ბუდიონი მოდისო, შიშით გარბოდნენ.

ბუდიონის სახელი საყვარელი გახდა მშრომელი მოსახლეობისათვის, წითელი არმიისათვის, ხოლო თავზარდამკვიში იყო მდიდრებისა და თეთრ-გვარდიელებისათვის.

ბუდიონმა თავისი ცხენოსანი არმიით მრავალი ბრძოლა და შეტაკება

გადაიხადა სამოქალაქო ომის დროს. ზე, მრავალი გენერალი რეგმა მისი გამხედარი და გმირული შეტაკება და თავდასხმა.

„წითელი გენერალი გლეხობიდან“ — ასე უწოდებდნენ ბუდიონს ჩვენი მტრები. ბუდიონს მოუხდა ბრძოლა გენერალი დენიკინის, მამონტო შკუროვის, ოკროვსკის, შავლოვის, მახნოს, ვრანგელისა და პილსუდსკის ჯარების წინააღმდეგ.

ბუდიონმა გაათავისუფლა და გაწმინდა თეთრგვარდიელების ჯარებისაგან უამრავი ქალაქი. როსტოვი, ვორონეჟი, ტაგანროგი და სხვ.

მან ალაგმა ბანდიტი მახნოს თარეში, რომელიც ერთი ქალაქიდან მეორეში დაქროდა და სისხლის ღვარს აყენებდა ყოველგან, ათასობით ახრჩობდა მუშებს, ცოცხლად მარხავდა კომუნისტებს.

პროლეტარული დიქტატურის დასაცავად, კონტრრევოლუციური შეიარაღებული ძალების წინააღმდეგ აქტიური ბრძოლისათვის ს. ბუდიონი დაჯილდოვებულია წითელდროშოვანი სამი ორდენით, იგი საბჭოთა კავშირის რევოლუციური სამხედრო საბჭოს წევრია.

ბუდიონის სახელი საყვარელია ჩვენში, მისი გმირობისა და თავდადების შესახებ მშრომელები მღერობენ სიმღერებში, ბუდიონის სახელს მთელი მსოფლიო ბურჟუაზია, იცნობს, მისი სახელი მათ შიშს ჰგვრის.

სამოქალაქო ომების შემდეგ, სადაც გაითქვა სახელი როგორც ნიჭიერმა სარდალმა, ბუდიონმა ხელი მოჰკიდა სამხედრო აკადემიაში სწავლას და კიდევაც დაასრულა იგი.

ბუდიონი ამჟამად 50 წლისაა, მუშაობს სამხედრო და სამეურნეო მშენებლობის დარგში.

ა. ს.

# თელის ნამბობი



საქართველოს  
ქრონიკა

— აბა, მითხარით, ბავშვებო, რომელს თქვენგანს უნახავს ზღვა? — პატარა თელამ მესამე ჯგუფის ამხანაგებს, რომელნიც დიდი დასვენების დროს სკოლის ეზოში იყვნენ გასული გასართობად.

— მე ძინახავს, ბათომში ვყოფილვარ, — უთხრა შოთამ.

— მეც მინახავს, ფოთში ვყოფილვარ! — წამოიყვირა მიტუშამ.

— მე კიდევ ორი წლის წინათ მამამ სოხუმში წამიყვანა, იქიდან ვაგრანო დიდი გემით ვიმგზავრეთ. ოჰ, რა კარგი გემი იყო, რა მშვენიერი, ლამაზი, კობტა, სწრაფმავალი! — სხაპასხუპით მიაყარა პატარა თინიკომ.

— მე ზღვა არ მინახავს, — თქვა ერთმა ნაღვლიანად.

— არც მე, — მოაყოლა მეორემ გულდაწყვეტით.

— რა გულით მინდოდა მენახა, მაგრამ...

— კარგი, გეყოფა, — ვააწყვეტინა თელამ, — რაკი უმრავლესობას ზღვა არ უნახავს და ძალიან კი გაინტერესებს, დაესხდეთ ავერ და ვიდრე ზარი დაირეკებოდეს, მე ვიამბობთ ქობულეთში ჩემი მოგზაურობის ამბავს.

ბავშვები დასხდნენ, თელამ დაიწყო.

— ხშირად გამიგონია და მამაჩემსაც უთქვამს: „ზოგი ქირი მარგებელია“. სწორედ ამ ქირმა, ავადმყოფობამ მარგო, თორემ ისე აბა ვინ წამიყვანდა ზღვაზე საპეროდ. ერთ მშვენიერ დღეს, მას შემდეგ, რაც ლოგინიდან წამოვდექი, მამამ გამომიციხადა: ექიმმა მირჩია და ქობულეთში უნდა წავიყვანათო.

— რა კარგია! — ჩაურთო წუკრიმ.

— ნეტავი მეც ავადმყოფი ვყოფილიყავი, — დასძინა ციალამ.

— აბა, მაშინ ხომ მეც წამიყვანდა მამაჩემი, — თქვა მარჯვნივ მჯდომმა სიკომ.

— ტფილისიდან ჩვენი მატარებელი დაგვიანებით გავიდა, — განაგრძო თელამ, — მაგრამ, მცხეთას რომ გავესვდი, შემანქანემ მატარებელი ძალიან გააქანა და სტალინისამდის უკვე აინაზღაურა დაგვიანებული დრო...

— სტალინისიდან ხომ არც კი დაიგვიანებდა, — ვააწყვეტინა სანდრომ.

— მართალია, სტალინისიდან ჩვენი მატარებელი ელექტრომავალმა წამიყვანა. კარგი რამ ყოფილა ელექტრომავალი; ხომ იცით, სრულებით არ არყვეს მატარებელს. დაიჭრის თუ არა სადგურიდან, წამსვე სწრაფად მიდის. ვადასარბენზე არ ხრიგინებს, როგორც ჩვეულებრივი ორთქლმავალი.

დილით ადრე მივუახლოვდით ზღვის ნაპირს. როგორც კი სადგურ ოჩხამურს (აჭარისტიანის პირველი სადგურია) გავესვდი, წამსვე ზღვა გამოჩნდა. ისე აელვლდი, რომ პირველად ვერაფერი დავინახე, თვალზე ხელი მოვისვი, კარგად დავაქკერდი... მწვანე, ფართო ველი მეგონა, შრიალა, ჯეჯილივით ირხეოდა! ახლადამოწვერილ მზის სხივებზე სარკესავით ლაპლაპებდა.

— ალბათ, ზედმეტმა აღტაცებამ თუ გაგაშეშა, — იკითხა თინიკომ.

— სწორედ ეგრე მოხდა, — განაგრძო თელამ, — ქობულეთის სადგურიდან სააგარაკო ადგილებამდის და ზღვისპირამდის რამდენიმე კილომეტრია. ჩვენი



შავსხედით აქარელის რიზა-ალი ყურღუბაძის ეტლში. რიზა-ალს მტკიცედ მსხოვრებია. კოლექტივში ჯერ არ შესულა და ამიტომ ჯერ ლარიბეზია; ცხენები დამქლევებია, გასძვალტყავებია... ძლივს მიგვიყვანა დანიშნულ ადგილას. თუმცა მამა მიკრძალავდა, მაგრამ მაინც იმდენი მოვახერხე, რომ, როგორც კი დავბინავდით, იმ წუთსვე ზღვისპირას გავჩნდი. იქ მალე შემედ მენავეს გავეცანი; ჩემს გარდა სხვებიც იყვნენ. მოუჭრივდით და ნავით ზღვაში ძალიან შორს შევეცურეთ.

— მერე, არ შეგეშინდა? — ჰკითხეს პატარებმა თედოს.

— მე არ შემშინებია, მამაჩემი კი ძალიან შეშინებულყო და გამწარებული დამეძებდა. ნაპირზე მყოფთ კი უთქვამთ მისთვის:

— ნუ გეშინიათ, თქვენი შვილი მემედ მენავემ წაიყვანა და მალე ნაპირზე გადმოიყვანს უვნებლად.

— მერე, მერე რა საინტერესოა! ზღვა წყნარი იყო, არ ღელავდა? — მი-აყარეს თედოს კითხვები პატარებმა.

— ზღვა სრულებით არ იძვროდა; მემედმა ნიჩაბის მოსმა მასწავლა და ნავი მე თვითონ წამოვიყვანე უკან ნაპირისაკენ.

ჩვენ ფადიმე ცინარიძის სახლში დავბინავდით. ფადიმეს ორი წლის წინათ გარდასცვლია ქმარი და დღეს, ოთხი შვილის პატრონი, ქვრივი ფადიმე ვაჭირვებას განიცდის.

— რატომ კოლექტივში არ შეხვედი? — შეეკითხა მამაჩემი. — დაგებმარებოდნენ, ხელს მოგიმართავდნენ და შენც სხვა კოლმეურნეებსავე დღეს შეძლებული, წელგამართული იქნებოდი.

— არ მეგონა, თუ ასეთი კარგი იქნებოდა კოლმეურნეობაში ყოფნა, — უპასუხა ფადიმემ. — უფრო უარესი მოგივია; რაც რამე გაბადია, იმასაც წავართმევენო!

— მაშ შენ კულაკებსა და ხალხის მტრებს გაუბრიყვებინართ, ჩემო ფადიმე, — უთხრა მას მამამ, — ვიდრე ჯერ კიდევ გვიანი არ არის, ჩაეწერე კოლმეურნეობაში, შვილებს სკოლებში გამოგაზრდევინებენ, უმაღლესში ასწავლიან.

ფადიმე დღესაც ზოგჯერ ძველ, დრომოკმულ ადათს მისდევს. ის ხშირად ჩადრით დადის, მაგრამ მასზე გავლენას ახდენს მისი უფროსი ვაჟი, მეოთხე ჯგუფის მოწაფე, ოქტომბრელი მეცლელი. მას სკოლიდან მოაქვს სხვადასხვა წიგნები და თავისუფალ დროს უკითხავს თავის დედას.

მეცლულ ცინარიძე თავის ჯგუფში დამკერვლ მოწაფედ ითვლება, კარგად სწავლობს, მშენიერი ცურვა იცის; ის კარგი მოთევზავეა. ერთხელ მან წამიყვანა პატარა ნავით და თევზაობა მახინა.

— ერთი ამას უყურე და... ჩვენსავით პატარა და მოთევზავეა? რაღაც არა გვეკრა, — წარმოთქვამს პატარებმა.

— მეც ასე მეგონა, — განაგრძო თედომ, — მაგრამ როდესაც ენახე, თუ რა მარჯველ და ყოჩაღად ამოყავდა მეცლულის თევზები, მაშინ მეც დავრწმუნდი, რომ ის მართლა მოთევზავე იყო. მან აუარებელი ნემსა თევზი დაიჭირა; ნემსა თევზი შემწვარი ძალიან გემრიელი საჭმელია.



წინათ, თურმე, ქობულეთში ერთი სასწავლებელი იყო, დღეს რამდენიმე სკოლაა; სასკოპლო ასაკის ყოველი ბავშვი სკოლაში დადის, თავისუფალია და სწავლობს. აქ კარგი ხარისხის ბრინჯი იცის, თეთრი, ფაფუკი. გარდა ამისა, ქობულეთი აჭარისტანის ერთი მდიდარი რაიონთაგანია, აქ უხვად ხარობს ჩაი, ლიმონი, მანდარინი, ფორთოხალი, ამ რაიონშია საქართველოში ყველაზე მოსავლიანი და მდიდარი ჩაქვის ჩაი, საბჭოთა მეურნეობა.

იმდენი ვეცადე, რომ აქარელ ბავშვებთან ერთად მოვაწყვე ორი ექსკურსია: ერთი ბათუმში და მეორე ჩაქვის ჩაის მეურნეობაში.

— წკრრ! - გაისმა ამ დროს ზარის ხმა.

— ამ ექსკურსიების შესახებ შემდეგ დიდ დასვენებაზე გიამბობთ, ახლაც გაკვეთილზე წავიდეთ, უკვე ზარი დაირეკა, — თქვა თედომ, და ჩვენმა პატარებმა საკლასო ოთახს მიაშურეს...

ლ. მახვიპირი.



ოქტომბრელები კოლექტიურად კითხულობენ  
ჟურნალ „ოქტომბრელს“.

## გველის ღღე

ერთი ტყის პირას გველი ცხოვრობდა. ერთ ღღეს მან ცხრა მოყვითლო-მონაცრისფრო კვერცხი დადვა. როდესაც კვერცხებს დებდა, იკლანებოდა. მაგრამ როდი ბრაზობდა. ეს კვერცხები გრძელი იყო და ზოგიერთი მათგანიდან უკვე თავი გამოეყოთ გველის წიწილებს.

გველი ყურადღებას არ აქცევდა თავის კვერცხებს. გამოჩენებიან გველის წიწილები — გრძელები, წვრილები, წაულენ წაპოულენ აქეთ-იქეთ და არასოდეს აღარ შეჭხედებიან დედას.

გველი წყნარად იწვა რგოლივით დახვეული. კოტა ხნის შემდეგ მან თავი მაღლა ასწია და ხელიკი დაინახა, რომელიც მუცლით გაწოლილიყო ერთ ბეღტზე და რალაც ქვის მურებს სანსლაოდა. თბილი ღღე იყო, მზის სხივები ეალერსებოდა ხელიკის ტანს, და ხელიკი მეტად კმაყოფილი იყო.

დაინახა გველმა ხელიკი და ასისინდა, შემდეგ წყნარად გასრიალდა და ნელნელა ეპარებოდა თავის საკბილოს. აი, მიუახლოვდა. პირი დაღებული აქვს, ორ დიდ კბილს შორის კანკალოვს წვრილი ენა — ნესტარი.

ხელიკმა კული შეათამაშა, თითქოს გველს აღიზიანებო.

გველი სისინობდა, მზად იყო სცემოდა ხელიკს და თვალს არ აშორებდ მას. აი, ხელიკი კიდევ შეინძრა, და გველიც ეცა მას, მაგრამ მისმა პირმა სიკალიერე დაიჭირა: ხელიკმა თავს უშველა.

გველი იშვიათად ეროჩის ხელიკს, ახლა კი ჰშოიოდა და ამიტომ დაესხა თავს...

ჰშოი გველს, საშინლად ჰშოი, საქმელი კი არსად არის.

მაგრამ ეს რა არის? სულ ახლოს, გველის ახლოს უკანა თათებზე შემდგარა პატარა, ნაცრისფერი ცხოველი. ის მიწას თხრის, საკვებს ეძებს, ახლა კი შეშინებული მისჩერებია გაბრაზებულ შავ და გრძელ გველს. თავი ბეჭებში ჩამძვარა, ბეწვი აშლია, უღლაშებს ძლიერ ამოძრავებს. ის ცოცხალია, ცქიტი, ახლა კი გაშეშებულია, ბეწვიან ბურთს დამსგავსებია.

ჰშოი გველს, საშინლად ჰშოი. არ იყო საქმელი, მაგრამ გაჩნდა. გველი არც ამას დაიწუნებს.

გაშეშდა გველი. გაშეშდა მისი მსხვერპლიც. გველმა საშინლად მიაშტერა ნას თვალები, თვისი უძრავი, თითქოს ხის თვალები.

ნიაიე ქროდა და ეთამაშებოდა მიწის მთხრელი პატარა ცხოველის ბეწვს. ბეწვი ლივლივებდა. მზის სხივები ათბობდა დედამიწას.

მისჩერებოდა გველი უძრავად.

მაგრამ ეს რა არის? ეს რა ხმებმა შეარყია არემარე?

აჰა, ეს შოშიებია, მუდამ მოუსვენარი შოშიები. ჩხუბობენ, კინკლაობენ, ქულოპინობენ. აი, აუთიქუნდა მათი ფრთები, გაისმა ტოტების ხმაური. შოშიები იქვე ახლოს ჩხუბობდენ, ერთ პატარა ბურქზე შესკუბულ იყვნენ და ერთი-ალიაქათი აეტეხათ...



კმარა ამდენი ლოდინი! პირი უნდა ჩაიგებრიელოს, კუჭი უნდა ამოგვესუსტოს...  
 ეძგერა გველი, მაგრამ... შეშინებული ცხოველი ბალახებში გადახტა და  
 შიშნა.

გაბრაზდა, საშინლად გაბრაზდა გველი, ასისინდა და კლაკენით გასრიოლდა  
 ბალახებში. მას ბალახიც აბრაზებდა, რამდენჯერმე წააელო კიდევ პირი მას,  
 მაგრამ მის კუჭს ხომ ბალახი ვერ გააძღვდა.

შოშიები ისევ ერთ ალიაქოთში იყვნენ.

სრიალით გაიარა ტყე და ველზე გავიდა. აქ ის არასოდეს არ ნადი-  
 რობდა, მერე ისიც დღისით. გველები ღამით ცხოვრობენ, ღამე უფრო ადვი-  
 ლია მათთვის საკვების შოვნა. ველის იქით ხრამია, ხრამის ძირას კი მდინარე.  
 ღამით აქაურობა სულ სხვანაირია.

ოჰ, რა კარგია აქაურობა გაზაფხულზე! მდინარე აღიდგება, ნაპირებიდან  
 გადმოვა, აქა-იქ გუბებებს გააკეთებს, და ბაყაყები დიდი ხალისით ყრინ ამ  
 დაქაობებულ ადგილებში თავის მსხვილ კვერცხებს, თან ყოყინით იკლებენ  
 იქაურობას. აქ წყლის ვირთაგვებიც ბლომად არიან, ღრღინან მკენარეების ღე-  
 როებს, აცმაკუნებენ ტუჩებს.

გველმა ქაობს შიშნა.

უცხათ მონაცრისფრო ბაყაყი გამოხტა ბალახებიდან და გველის შახლობ-  
 ლად დასკუბდა. მისი კანი ისე ბზინავდა, როგორც ნამიანი ბალახი. ბაყაყი  
 შიშნედა სუნთქავდა.

გველმა თავი ასწია.

ხანდახან ბაყაყი პირს გააღებდა და გადმოისროდა ენას. ასე იქცეოდა ის,  
 როდესაც ბუზი ან კოლო ჩაიფრენდა მის შახლობლად. მისი წებოვანი ენა მათ-  
 რახივით შემოეხევიდა მსხვერპლს და პირისკენ მოაქანებდა. ამის შემდეგ ბაყაყი  
 თავიღებს გადაიტანდა და გადასანსლავდა დაქერილ მწერს. ხანდახან მის ენას  
 გაუხსლტებოდა მსხვერპლი, და ბაყაყი შხოლოდ ნერწყვს ყლაბავდა.

შეინძრა გველი, რგოლივით დაიხევა.

ბაყაყი შიშნედა სუნთქავდა.

დახვეული რგოლი ერთბაშად გაიშალა: გველი ეცა ბაყაყს. მისი ორი  
 მოდუნული კბილი ჩაესო ბაყაყს, რომელმაც სცადა გაქცევა, მაგრამ ფეხები





მოუღუნდა, სუნთქვა გაუძნელდა, თავბრუ დაესხა... ცოტა ხნის შემდეგ უკან  
სულ ერთიან დასუსტდა.

გველმა წელა გააღო პირი, და ბაყაყი ბაღახზე დაეცა. ის გვერდზე ეგდო,  
ფეხები გაეკიშა. ცოცხალი, ბაყაყები ასე როდი წვებოან.

დიდი პირი აქვს გველს.

გველი შეინძოა, ნესტარით შეეხო მსხვერპლის კანს, შემდეგ საშინლად  
გააღო პირი და ბაყაყი წელწელა ვადასანსლა, მაგრამ ვაუჭირდა: მსხვილია ბა-  
ყაყი, მსუქანია, თავგების გადაყლაპვა უფრო ეადვილებდა.

დიდი პირი აქვს გველს.

აი, ბაყაყის ფეხებიც შიშილა მის პირში. შემდეგ გველი გაწეა და მიწყ-  
ნარდა.

დიღხანს იწეა ის წყნარად, საკმელს ინელვბდა.

მზე ჩადიოდა. უცბათ მოისმა ბუჩქების შრილი, და ხმაბაღლა ყვირილმა  
შეარხია ჰაერი. გაბრაზდა გველი. ვერც გაეგო, საიდან ისმოდა ეს ხმა.

კიდევ ყვირილი:

— ვაი!

და მას ქვები დაუშინეს.

ის უცბათ შესრიალდა წყალში. ტანი დაუმძიმა, ტანს, მოსვენება სკირ-  
დებოდა.

გველი მღოვრულად, წყნარად მიცურავდა.

დიდი ძალ-ღონე იყო საჭირო, რომ ასე გაეცურა, როდესაც მუცელში მსუ-  
ქანი ბაყაყი ჰქონდა.

მხოლოდ შავი თავი მოჩანდა წყალში. მის მახლობლად ეცემოდა ქვები,  
ისმოდა ყვირილი:





— გველი, გველი!

გაცურა და მეორე ნაპირას გავიდა, გასრიალდა ბალახებში და აშურა.

ჩამავალი მზის სხივები ნაირი ფერებით ათამაშდა.

ფიჩხის მტვრევის ხმა მოესმა. გაიხედა და ხედავს: მისკენ მოდის ზღარბი.

ტანი აპბუძგვია, წყნარად მობაჯბაჯებს.

ზღარბს არ ეშინია გველის სისინის, გველის შხამის. მას მჭრელი კბილები აქვს, ტანი კი ეკლიანია, გველი ვერ უტყენს.

ასისინდა გველი. ზღარბი მას თავს დასდგომოდა. გაბრაზებულ-შეშინებული გველი ეძგერა ზღარბს და თვალი გაიფუჭა მის ეკლებზე. ზღარბმა თათი დაადვა და ტყავი გადააძრო.

დაიკლანა გველი, უნდოდა გასხლტომოდა მტერს, მაგრამ ეკლებზე ესობოდა, მჭრელი კბილები კი უკვე ჩაესო მის ტანს.

შუაზე გაგლიჯა ზღარბმა გველი, და ორივე ნაწილი ხტოდა, იკლავნებოდა.

სისხლი წვეთდა.

ზღარბი ახრამუნებდა გველის ტანს.

ასე გათავდა გველის დღე.

გადმოკ. შ. თ — ლის მიერ.

## გასართობი

### გამოცანები

1.

რომელი ორი მთელი რიცხვის შეკრება მოგვცემს მეტ რიცხვს, ვიდრე მათი გამრავლება?

2.

რომელი ორი მთელი რიცხვის გამრავლება მოგვცემს იმდენს, რამდენსაც მათივე შეკრება?

3.

ხუთ ჰექტარ მიწას ხუთი ტრაქტორი თესავს ხუთ საათში. რამდენი ტრაქტორი დათესს ას ჰექტარ მიწას ას საათში?

4.

მალლა ბატები მიფრინავენ. დაინახა ქვევიდან ერთმა ბატმა და მიამბა: — გამარჯობა თქვენი, ასო ბატო! მალლიდან ჩამოსძახეს: — ჩვენ ასი მაშინ გავხდებით, როდესაც მოგვემატება იმდენი, რამდენიც ახლა ვართ, ახლანდელის ნახევარი, მეოთხედი და კიდევ შენცაო.

რამდენი ყოფილან ბატები?






ერთ ბიქს დაესიზრა: წვეს ზღვაში პატარა კუნძულზე. კუნძულს შრეგვეს  
 ლივ წყალი აკრავს, წყალს ირგვლივ — ტყე. ტყეს ცეცხლი გაუჩნდა. ცეცხლის  
 სიმბურვალემ წყალი აადღუა. ბიქს ახრჩობს წყლის ომბივარი. ცეცხლი ყოვე-  
 ლი შხრიდან მძლავრობს: გამოსავალი არსად არის.

რა უშველის ბიქს?

## გ ე მ ი



აიღეთ კაკალი, გაქვრით შუაზე დანით ისე, რომ ნაქუჭი არ გატეხოთ,  
 ლებნები ამოიღეთ და მიირთვიეთ. ნაქუჭის ქვედა ნახევარს გაუკეთეთ პატარა  
 ნახვრეტი, ისეთი, რომ შიგ პურის ღერო შევიდეს. გამოქვრით პურის ღერო,  
 სიგრძით ორ-სამი სანტიმეტრი, და შეურჭეთ ნახვრეტში.

ნაქუჭის მეორე ნახევარზე შეთულითა და ქინძისთავით დაამაგრეთ ქალა-  
 დისაგან გამოქვრილი იაღქანი, როგორც ნახატზეა ნაჩვენები. შემდეგ გამოქე-  
 რით რვეალი საცობი, შუაში ცოტა ამოქვრით, რომ ზედ კაკლის ნაქუჭი გა-  
 ჩერდეს: ნაქუჭის ქვედა ნაწილში ჩაახბით წყალი და დაახურეთ თავზე ზედა  
 ნაწილი, დადევით საცობზე და გაუშვით წყლიან ტაშტში. პურის ღეროდან,  
 როგორც მალიდან, წყალი წვეთ-წვეთად გამოვა, გემი კი დაიძვრის და წინ წავა.

შედგენილი ნ. ნაშაკიძის მიერ

მონადირემ მწვერებმა  
კურდღელს გამოუყენა.  
გაქცეულმა კურდღელმა  
მწვერებს გზაში უყვლა:  
სერს გადაღმით ბუჩქნარში  
სოროს მოჰკრა მან ჭვალის,  
შიგ შევარდა ცახცახით,  
აუვარდა კანკალი.  
შიგ დაუხვდა გომფეშო —  
იმ დარბაზის მფლობელი.  
შეეცოდა ბატონსა  
მგზავრი საწყალობელი.  
შეეკითხა: „კურდღელო,  
რამ გავიხეთქა გული, —  
ბოდიშის მოუხდელიად  
მოხველ დაფეთებული!



— მწვერ-მეძებრებითა  
მომდევს მონადირეო,  
თავის ვადასარჩენად  
აქ შემოვირბინეო.  
ვაიბლინდა გომფეშო,  
გადმოკარკლა თვალები  
და წარმოთქვა სიტყვები  
ქვეყნის შესაბრალები:

— რა არის, რომ დაგვედევნ  
მე და შენ ეგ მწვერები  
და მონადირეები —  
ეგ ამოსაწყვეტები!  
კურდღელმა თქვა: — ნეტავი  
შენ არ დამტოლებოდი  
და ძაღლებს დავგვლიჯე.  
ბუჩქნარში რომ ვბტებოდი!





რეზუსი შედგენილია და დაბატულია  
მე-12 შრ. სკოლის მე-4 ჯგუფის მოწაფის  
სოსო ლომთათიძის მიერ.

სარედაქციო კოლეგია: აბაშიძე ირაკლი (პ/მგ. რედაქტორი), აღლაძე ელენე (პ/მგ.  
მდივანი), ღვინიაშვილი ან, მარჯვანი, ხაზაბტარაშვილი ნადია, ანდრიაძე.

რედაქციის მისამართი: ტფილისი, აღმასკომის ქ., № 7. სახელგამი.

350 1 350

100p

ՀԱՅԿԵՍՏԱՆԻ  
ՆՈՇՆՈՒՄՈՒՆԵՐ

